

مستطابق

در سعادته باب عالی جاده سنده
اداره مخصوصه
محل اداره :

افطار :
مسکونه موافق آثار جدید مع المنوبه
قبول اولنور
درج ابدلین آثار اعاده ارتقا

دین ، فلسفه ، ادبیات ، حقوق و علوم دین باحث هفته لقا رساله در

مؤسسه : ابوالعلا زین العابدین - ح . اشرف ادیب

سنه لکی	القی آیانی	درسه دتده
۶۰	۲۰	ولایاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ نمرز ۳۲۴

در سعادته نسخه سی ۵۰ پار. در

قبیلادن مقوا بورو ایله کوندریایر سه سنوی
۲۰ غروش فضله آلنیر

در سعادته بوسته ایله کوندریایر سه ولایات بدلی اخدا اولنور.

على الله يسيراً ان تجتنبوا كبائر ما تنهون عنه نكفر عنكم سيئاتكم وندخلكم مدخلاً كريماً (صدق الله العظيم .

(ومن يفعل ذلك) هر کیم شونی یا پارسه (عدواناً و ظلماً) آخرک حقنه تعدی ایتک و نفسنه ظلم ایتک صورتیله. (ذلک) نک مشار الیهی، درس سابقده مذکور قتل نفسدر. اقرب اولان اودر. (ولا تقتلوا انفسکم) معناسنی ایضاح ایتدک و قتل حسی وار، قتل مغنوی وار، یعنی قتل هلاک صوری ایله اولدینی کی، هلاک مغنوی ایله ده اولور. هر ایکسی ده حرامدر. نه قدر اخوان دین وار ایسه هپسی بر وجودک اعضاسندن عبارت عد اولور. هر هانکی برینه سوء قصد ایتک کندی وجودینه سوء قصد دیمک اولور. کذلک (المؤمن للمؤمن کلبیان یشد بعضه بعضاً) حدیث شریفی حکمنجه، مؤمنلرک جمله سی بر بنای عالینک رکنلری منزله سنده در. برده منیاتی ارتکاب صورتیله انسان کندینی هلاک ایتمش اولور. مثلاً غیرک مالنه تعرض ایتک. (یا ایها الذین آمنوا لا تأکلوا اموالکم بینکم بالباطل..... ولا تقتلوا انفسکم) یعنی درس سابقده کی آیتده ایکی شی تحریم بیورلدی. اولاً: آخرک مالنه تعرض، صورت غیر مشروعده بر کیمسه نک مالی المتی ... بوده، قتل نفسه مؤیددر. یعنی کیمسه نک مالنه تعرضه قتل نفس جنایتی حادث اولور. بعضاً انسان بشقه سنک مالنه طمعاً شخصی قتل قیام ایدر. بهضاده او اننده کنیدیسی قتل اولور. بو جهته قتل نفس ایله غضب اموال بیننده ارتباط تام واردر. بناءً علیه جناب باری هم نفوس بشریه نک، هم اموالک محافظه سنی فرمان بیورمشدر. فقط ماله تعرض دها زیاده در. اونک ایچون تقدیم اولوندی. فصل که شهادت زور ایله، قومار جیاقله، ارتکاب وارتشا ایله، صور سائر ایله ده وقوع بولور. بونلر هپسی وجه باطلده داخلدر. شرع شریفک مباح عدایمدیکی صورتلرک هانکی بریله اولورسه اولسون آخرک مالنه تعرض بمنوعدر، حتی کندی مالی اسراف ایتکده بو حکمده داخلدر. سفاهت یولنه، غیر مشروع جهتلره صرف واستهلاک بلا شبهه حرام قضایدر. انسان مالی خیره صرف ایله مأورددر. بر حدیث شریفده (نعم المال الصالح للرجل الصالح) بیورلمشدر. یعنی خیرلی مال نه کوزل شیدر، صالح آدم ایچون. چونکه بوسایه ده دنیایی ده، آخرتیده قزاینر، دارینده مسعود اولور. مال اگر حلالدن قزانیلرسه خیره صرف اولور. اکثریا نا مشروع جهتلره صرف اولنان اموال غیر مشروع صورتله قزانمش بولونور. بو ایسه نالکورلک عداولونور، بیوک بر مسئولیتی داعیدر. شخصی اولسون، عمومی اولسون، بیوک فلاکتلره مؤدی اولور. کذلک انسان مالی افنا ایتکله کنیدیسی تهلیکجه القا ایتمش اولور. چونکه ضرورته مثلاً اولونجه معاذالله اتحاره قدر وارر. مایوسیت کلیر نفسنی اولدورر. فقط (ذلک) کله سی بعیده موضوعدر. بواقظ ایله قریبه اشارت نکته بلیغانه ایستر. فی الواقع قتل نفس غضب الهی یی موجب اولدینی ایچون نزد سبجانیده بعیددر، مؤمنلرک ده

ایله ترتیب خلقتک، نقص و خللدن برائی، علی رؤس الاشهاد؛ اعلان اولدی.

پروردکار رحیم نوع انسانی، خواص کائناتک جمله سنی حد ذاتنده جامع، عالم اکبر کنیدیسنده منطوی، معتدل المزاج، حسن الصورة، منتصب القامة، وحی امانت کبرای الهیه یی درعه ده ایتکله مستعد اولورق. کمال اوزره خلق بیوردیننه ایماء: (لقد خلقنا الانسان فی احسن تقویم) نظم جلیلی ارسال ایتدی. بناءً علیه، خلقتده کی کمالک، بر عظیم برهانی ده «نوع انسان» تشکیل ایلدی. مال مقدسی: بر انسانی شبهه سز احسن تقویم اوزره خلق ایتدک.

بشوقدروار که حق سبحانه و تعالی، هر بر نانعی مطلقاً نافع و هر بر مضرى مطلقاً مضر اولورق خلق ایتدی. بلکه عموم کائناتی اولیه بر قانون حکمتیه ربط ایلدی که ایکی شیدن برینک اضرار ایتدیکنی، اوتنه کی انقاع ایدر. اوتنه کینک انقاع ایلدیکنی، برینکی اضرار ایدر. حتی شی واحد دخی بر زمانده انقاع ایتدیکنی، دیگر بر زمانده اضرار ایدر. دیگر بر زمانده اضرار ایتدیکنی، بر بشقه زمانده انقاع ایلر.

بونلر اولملات حکمتدرکه، اعمال افکار ایله ادراک ماهیتلری امر محال .. و او اسرار خفیه درکه، جناب عالم الاسرارک مظهر ارشادی اولیانلره، اکتناه حقیقتلری محال اندر محالدر.

ایشته! بوتمهیدات ایله تحقیقی ایدر که هر شخص و هر شیء ما خلق لهنه میسر در [۱] و بو اختلافات ایله بوه غایرات، هپ شئون اولین و آخرینی اتمام ایچونددر. جناب حق ایسه، علیندن غنیدر.

بوقاعده، فکر یکزده تقرر ایدنجه، معلومکنر اولور که الله عظیم الشانک، اهل سادته قارشی وقوع بولان تکلیفاتنده قطعاً اثر مکر یوقدر. و بوامت ائمه سنک، فروع شریعتده کی اختلافلری محمود العاقبه، رومعقول نتیجه در. زیرا، تفایر امرجه واحوال؛ البته تخالف مشارع و احکامی اقتضا ایدر.

مابعدی وار

انقره استیضاف رئیس

عمر لطفی

مَوْلِیْ عِظَمَاءُ

محرری

مقرری

ح. اشرف ادیب

مناسبتی اسماعیل حق

۲۷ شباط، ۱۳۲۲

اعوذ بالله من الشیطان الرجیم . بسم الله الرحمن الرحیم
(ومن يفعل ذلك عدواناً وظلماً فسوف نصليه ناراً و كان ذلك

[۱] ملاحظه: هر شخص، و هر شیء ما خلق لهنه میسر در. بوقاعده، صحیح بخاریده مدرج: «کل میسر لما خلق له» حدیث شریفه مستنددر. اهل انصاف، بلا تردد تسلیم ایدر که: بوسوزی آنجی بر پیغمبر سوبله یارب.

اوت ! سزه اوزون . فقط (و كان ذلك على الله يسيرا) الله كو جلك يوق . جناب حقه قولای ، آسان برشیدر . ذاتاً هراسانه مخصوص موكل ايكي ملك وار . اونك ايشنى الله اوندره تفويض ايتمش در . حسابنى قيد ايدرلر . آخرتدهه برابر بولنورلر . ايكي پوليس كى ياشدن آيرلمازلر . نصل كه سورة قافده بيورلمشدر : (وجئت كل نفس معها سائق وشهيد لقد كنت فى غفلة من هذا فكشفنا عنك غطائك فبصرك اليوم حديد) هر كس قبردن قالفنجه صاغنده ، صولنده ايكي ملك برابر كیده جك . دنيادهكى افعال وحرركاتنه شهادت ایده جكلر . اولا اونى محاسبه يرینه سوق ایده جكلر . بریسی سوق مأموری . عسكری نصل سوق ايدر ، آلمان امره كوره . ملكرده بنى آدمى محشره اویله سوق ایده جكلر . اوكون هبسی برمحله طویلانه جق . بریسی سوق ایده جك ، بریسی شهادت ایده جك . (ان الله سريع الحساب) الله تعالى بزم ايله اوغراشه جق دكل . هرايشه اهلى تعین ايتمش در . (والمدبرات امراً) نظم جلیلنده مذکور ملكلر دنیوی و اخروی امور معاش و معادی تدیر ایچون مأموردرلر . ملائكه كنك برصننى مدبرات ملائكه سیدر . امرعالى ، احوال بنى آدمى تدیر و تصرف ايدرلر . موكل قیلنمشلر ، جناب بارى طرفدن توکیل بیورلمشلر . دنياده ارزاق و آجالی وسائر خصوصاتی بولنر تسویه ايدرلر . آخرتدهه جزالری ترتیب ايدرلر . فقط قابلمى انسان كناهدن قورتولسون ؟ هر كسك آز ، چوق كناهى وار . كیمسه معصیتدن خالی قالمیور . بشریت ایجابجه معصوم یاشامق امكانی یوقدر . بر طاقم معصیتلر طبیعی الوقوعدر . كناه اولماسه الله تعالى ندى مغفرت ایده جك ؟

شیمدی بو آیت جلیله دن مؤمنلرك قلبنه یأس کلیر كى اولدی . هایدی كیمسه كنك نفسنى قتل ایتیمه سك . لكن حقوق عباد كوچدر . جناب حق كیمسه كنك مالنی ده آله ، دیور . قول حقى در ، حلال اولماز ، بیوریور . صاحی عفوا یتهدن الله عفوا یتمز . احكم الحاکمیندر . چونكه عدالتله حكم ایده جك . اونك ایچون جهنمی خبر ویریور . عاقبت اندیش اولانه بوندن ، بیوك بر یأس کلیر . زیرا اوزرنده آز چوق حقوق بولنور . عجباً بونك چارمسی یوقى ؟ ایشه بوكا دائر جناب بارى تبشیر ایدیور :

حقوقه تجاوز ایدنلر ایچون حلاللق دیله مك وار . بوممكن اولمازسه چوق عبادت ایتلی . حسناتك چوق اولورسه خصمانی ارضا ایده بیلیرسك . حسناتك بر قسمی اصحاب حقوقه توزیع اولنور . بو طریق ايله نجات ممكن اولور . واقعا غایت مشكلدر . برده بیلیمه یرك ، قصد ایتیمه رك حقوقه تجاوز اولور . سرقت نوعندن دكل . رشوت دكل . مثلاً بورج ایتمش ده اونوتمش سك ، یاخود ایفاسندن عاجز قالمش سك . بورجلى اولانلر چوق یا . فقط كیمسه كنك حقنه تجاوز فكریله یا یا یور . انسان بعضاً یا بیلیمه رك كیمسه كنك حقنى آلیر ، یاخودده دیونه مبتلا اولور ، قضاسندن عاجز قالیر .

باق نه بیورور جناب بارى تعالى : (ان تجتنبوا كبائر ما نهون

شانی اولدینی ایچون اونلردن ده اوزا قدر . (ومن یقتل مؤمناً متعمداً فجزاؤه جهنم خالداً فيها) نظم جلیلى اك بیوك تهدیدی حاویدر . كفرن صكرا اك اشنع كناه قتل نفسدر ، هر نه صورتله اولورسه اولسون بر معصومك هلاكنه سبب اولمق جنایت عظیمه در . بالخاصه كندی نفسنى قتل ایتك ... واقعا اتخار ایدن كیمسه حقده مطلقا كفر ايله كندی كیمه حكم اولماز . ینه نمازی قیلنور . فقط بیله بیله یاپدیه اك بیوك كناهى ارتكاب ایش اولور . ذاتاً عقلی باشنده ایكن فنا اتخار محالدر . فقط اولجه مقدماتنى طاسار لاش اولور ، اتخاره مباشرت ایده جكى وقت عقلی باشندن كیدر دیورلر . بعضلری اولدن حاضر لایور ، عزم و تصمیم ایدیور . آرتق بو ، شبهه سز بیله بیله یامش ، ایسته یه ایسته یه اجرا و اونك ایچون اك بیوك كناهى ارتكاب ایش دیمكدر . فقط شو فعل حرامى حلال اعتقاد ایتیمه سه ، كندیسنی عاصی بیلیرسه — نعوذ بالله — بر سائقه مصیبت ايله ، بر غیرت جاهلیه ، بر یأس طبیعی ايله اتخار ایدرسه ، جائز كه ایمان ايله كیتسون . كفرینه حكم ایدنلر . لكن اك بیوك كناه ایشه مش اولور . الله تعالى دیلر سه برمدت جهنمده یاقار . دیلر سه عفو بویورور .

صدمه مزه كلهلم : استعین بالله ومن یفعل ذلك) هر كیم بونی یابارسه — كرك قتل انفس ، كرك غضب اموال جرء تنده بولنورسه — نیچون یاپاربونی ؟ (عدواناً وظلماً) یا برینه ظلم وعدوان ایچون . یعنی حقوقه تعدی ایدیور . بومقصد ايله ظلم ایتمش اولور . حالوکه بر انسان آخرك حقوقه تجاوز ایدرسه كندی نفسنده قتالقی ایتمش بولنور .

صورسه لر مغدورینی غدار كنندین كوسترر .

شبهه سز هر ظالمك ظلمی ینه كندینه عائد اولور . (ولا یحقی المکر السیئى الاباهله) (یا ایها الناس انما بیکم على انفسکم متاع الحیوة الدنیا) ای انسانلر ، ای بنی ادم بونی محقق بیلکیز که هر بیگیز ، تجاوز کیز ، هر طغیان کیز كندی نفسکیز اوزرینه مقصوددر . سز ظن ایدرسکیز که آخره در . اویله دكل . ظالم دنیاده کورمرسه عقبا ده چكه جك . بو حقیقی امر محقق بیلک ، طوغری یولدن آیرلمه یك (ان الله یأمر بالعدل والاحسان وایتاء ذی القربى وینهى عن الفحشاء والمنکر والبغی) آیت کریمه سنی هر جمعه کونی ایشید بیورسکیز . بو آیت جلیله یك جمعیتلدر . بتون اوامر و نواهی بونك ایچنده در . الحاصل آخرك حقوقه تجاوز ، هر نه صورتله اولورسه اولسون ، اصلاً جائز دكلدر . انك ایچون بیوریور : (عدواناً وظلماً) آخره تعدی و كندی نفسنه ظلم ایتك صورتیه هر کیم بولنری یابارسه (فسوف نصلیه ناراً) او کیمسه یی یقین زمانده جهنم اتشه صوقه جفم . بولنر بویله بر عقوبت کوره جك ، آخرك مالنه ، نفسنه تعدیده بولندقلری ایچون جزای الیمه گرفتار اوله جقلدر .

— بویله ادملرایسه بی نهاده در . دنیاده یك چوق قاتللر کورلمش . مرتکبلر ایشیدلمشدر . یارب ! بو قدر حریفلری نصل طویلایه جقسك ؟ بو غایت اوزون بر مسئله در .

تحف ایشته . یهودینک مراقی بویله طومش : الا سوقاغی تمیز
براقایه جق ! .. حضرت سهرجه صبر ایتدی ، بلکه واز کچر دیه ،
غنایینه یهودی ده نه قدر مارول بیرسه قالان قابوقلرینی اوندکی مرکبه
ویرمز ، سوقاغه آتاردی ، تک امام اعظم متأذی اولسون : او یله
ایکن حضرت امام سهرجه صبر ایتدی ، حالوکه نه ایستسه یاپاردی ،
امام اعظم بو . غایت بیوک نفوذ صاحبی . خلیفه لر زیارتنه کلپور ،
بتون امتک اکبری الی اوپیور .

یهودی محضاً عداوت دینه سائقه سیله بوملعتده دوام ایتدی .
فقط ، نه دیرسکیز . نهایتده مسلمان اولدی . امام اعظمک بو حکیمانه
معامله سی هیچ لاقیردی سویلیه رک یهودی بی انصافه کتیردی :

کندی کندینه دوشونوب کوردیکی متانت اخلاقه حیران
اولدی : - والله بونده برسر وحکمت وار ، دیدی ، بو ذات کیمسه دن
قورقاز . بن بوکا نهر یاپارم ، او یله ایکن برشی دییور . دنیانک الک
برنجی عالمه بنم کبی ادنی بر آدم اذا ایتسون ده اوده هیچ مقابله ایتسون .
مقابله دکل ، نه یاپارسک ؟ دیه آغزینی بیله آچاسون . دین اسلام
نه قدر علوی ایمش ! الک عادی آدمه قارشى صبر ایت ، حلم ایله معامله ده
بولون ، دییور .

ایشته بوملاحظه سبب اولدی ، بوسایه ده هدایت ایریشدی .
نهایت بر کون حضرتک آیاغنه قیاندی : - امان یا حضرت !
بونجه سندر سکا اذیت ایدیورم ، سن ایسه بکا برشی یاپمایورسک .
اکلادم که دین اسلامک علوتی پک بالاتر ایمش . بن بودین عالی بی
قبول ایتدم . رجا ایدرم ، دین حق بکا تلقین ایت ...

درسمره کله ! (ان تجتنبوا) اگر اجتناب ایدرسه کز ... نه دن ؟
(کبائر ماتهنون عنه) سزک نهی اولوندیغکیز کناهلرک بیوکلرندن .
(ما) ذنوب ومعاصی دیمک . الله ورسول سزى نهی ایدر بر طاقم
کناهلر وار . آیات سالفه ده منہیات قییلندن شیرل اوتوز ، قرق قدر
بیان بیورلدی . بونلردن بشقه بر چوق منہی عنه شیرلده واردر . شمعی
باقی نه دییور :

کریک بوسورده ده ، کریک باشقه آیتلرده ، کریک احادیث شریفه ده منہی
عنه کناهلر یوقی .. هپسندن صاقتک دیسه م حسب البشریه یاپه مازسکیز .
ایکن بو منہیاتک بیوکلرندن صاقتیرسه کز (نکفر عنکم سیاتکم
وندخلکم مدخلاً کریماً) بن عظیم الشان ، وعد ایدرم . سزک
صغائرکیزی عفو بیوره جنم ...

بوغایت بیوک تبشیردر . بالاده ذکر اولوندیغی اوزره بوسورده ده
سکیز آیت جلیله ، عبدالله ابن عباسک افاده سنجه ، بوامت محمد ایچون
دنیا و مافیادن خیرلدر . اوچی کجی ، بودردنجیمی در : (ان تجتنبوا
کبائر ماتهنون عنه نکفر عنکم سیاتکم وندخلکم مدخلاً کریماً) .
ابوالسعود : (سیاتکم) ، (صغائرکم) دیمکدر ، دییور .
(تکفیر) اورتمک ، معصیتک اثرینی ازاله ایتک . نصل اولور عجا
بو ؟

عنه نکفر عنکم سیاتکم وندخلکم مدخلاً کریماً) ایشته بوکوچک
کناهلرک عفوینه دائر تبشیر ایدیور . مادام سرقت ایتدک ، رشوت
دیه آلامدک ، یالان سویله یوب کیمسینی آلامدک ، بلکه دیگر بر
صورتله اله کچیردک ، یاییلمیه رک ، یاخود بالآخره ویرمک اوزره
آلدکده صوکر ایفادن ، ادادن عاجز قالدک ، یاخود صاحبی
بوله مدک ، وارثی ده یوق ... اووقت بونلرده صغائرده داخل اولور .
الله صغائرک عفوینی تبشیر ایدر ، فقط کبائرذن صاقتیق شرطیله .
(ان تجتنبوا ...) اگر اجتناب ایدرسه کز ، بر طرفه آتیورسه کز ...
(ان تجملوهافی جانب) دیمکدر . او بر طرفه ، سن بر طرفه . صاقتیق ،
چکنمک ، اوزاق اولوق ... اجتناب ماده سی « بعد » معناسنه دلالت
ایدر . (جنب) ده او یله دکلی ؟ (والجارالجنب ...) یوقی ،
قومشو حقنی الله توصیه ایدیور : (واعبدوا الله ولا تشركوا به شیئاً
وبالوالدين احساناً وبذی القربى والیتامى والمساكين والجار ذی القربى
والجارالجنب ...) حقوقه رعایت ایدیله جک کیمسه لر ی صاییور .

انانک ، بابانک حق بیان بیورلدقندن صوکر اقرابت صاحبی
قومشولر ، یعنی خانه سی پک یقین ، یاخود قرابت نسبه جهتیله یقین
اولانلر ، اول بونلرک حقوقنی بیان بیورور . صوکر (والجار
الجنب) که (والجارالیمید) دیمک . یاخانه سی اوزاق ، یاخود کنندیسی
سنکله برقراتی یوق . بلکه دینجه بیله مناسبتی اولماز . یهودی اولور .
نصرانی اولور .. ینه حق وار . قومشولوق حق انکار اولونماز .
تفسیر بیضاویده بر حدیث شریف وار . سلطان انبیا افندمر : -
قومشو اوچ قسمدر ، بیوردی ، بر قومشو اولدرکه اوچ حق اولور .
دیگر قومشوده وارکه ایکی حق اولور . نهایت بر نوع دها وارکه بر
حق اولور .

اوچ حق اولان اول بر قومشودرکه سنک اقرباکدن اولور .
یعنی هم دین قارداشک ، هم اقرباک ، هم قومشوک . بو اوچ حقده
رعایت لازم .

ایکی حق جائز اولان قرابت نسبه سی اولیوب یالکیز دین
قارداشک و قومشوک اولان کیمسه در .

صوکر ابرده نه اقرباکدن اولور ، نه ده دینداشک بولنیور . فقط
قومشوک اولور ، یعنی باشقه ملتدن بر قومشو . ایستخرستیان ، ایستیریودی
اولسون . امام اعظم افندمر قومشو حقنه پک زیاده رعایت ایدردی . قومشو
حق کنندیسنه اذیت ویره مکدن عبارت دکلدیر . ذاتاً نه حقک وار
اذیت ایدرسک ؟ قومشونک اصل حق اذاسنه تحمل ایتکدر . نصل که
امام اعظم افندمرک خائن بریهودی قومشوسی واردی ، حضرت
امامک یولنه دائماً سپورتی دوکردی . او یله خائن بر حریفدی که
راحتی ، اویقوسنی ترک ایدر ، الا هر صباح حضرت امامک قیوسی
اوکنه سپورتی بر اقایردی . حضرت امام که او قدر ایرکن قالیور ،
جامه شریفه کیتمک ایچون دها سحر وقتنده سوقاغه چیقیور ، او یله
ایکن قابوسی اوکنده مطلق اوکیجه دوکولمش سپورتی بوله جقدی .

ایکی درلو : یا کندیسنه توبه نصیب ایدرم، دیمکدر... چونکه هرکسه توبه نصیب اولماز چوق کشیلر وار :

— یاهیم، یاهیم ده صوکنده توبه کار اولورم، دیر، صوکر ا براقه ماز. کنجلكده براقه مازسه هیچ اختیارلقده براقه بیلیرمی ؟

(الشیخ لا یتړك اخلاقه حتی یواری فی ثری نفسه) یعنی اختیار آدم خوینی، اخلاقی دیکشدره مز، قبره کیرمدکجه. تربیه بیوک شی در. اوده و قیلله اولمق کرکدر. کنجلك چاغنده انسان کندینی تمیزله ملی. اووقت عبادتده نشاطله اولور. خوینی دوزلتک، نفسی تزکیه ایتک کنجلكده میسر اولورسه اولور. قرق یاشندن صوکر ا صوفی اولان کیمسه باره ایتمز. (الصوفی بعد الاربعین بارد) قرقدن صوکر ا طریقّه کیرن قیمتسزدر. هنر، هنوز دها جوهر وارکن، آتش حرارت موجود ایکن هوای وهوسی قیرملی، قیرملی. او زمانده مجاهده مقبولدر.

قرق، الی دن صوکر ا سن کنهای ترک ایتورسک، کنه سنی ترک ایدیور. یاهیمورسک، اونک ایچون براقیورسک. دکلّی ؟ معرفتی او ؟ دها کنجلك آثاری وارکن عبادت ایدرمیسک، الله قورقوسندن کنهای ترک ایدرمیسک ؟ .. باق نه مرتبه لر بولورسک. کنجلكده سرمایه طوتوندکسه صوکر ا ترقی ایدرسک. لکن سرمایه یوق. الی، التمه کلش. باشقه ایش یوق. الله برتسییح، هایدی آیاصوفیه ... معاصی سابقه بوتون اوزرنده طور دقچه بوندن نه حاصل اولور ؟

واقعا بوده بر اثر ابتلاء عد اولور. علامت ایماندر. هیچ نماز قیلیمیانلرده وار. سکسان یاشنده اولمش، جمعه اذانی اوقور، حریف قهوه ده طاولة اوینار. لسان حالیه : — احکام اسلامیه نک بکا تعلق یوق، دیمش اولور، اونلرامت محمددن ایش، جامعه کتسونلر، نمازلرنی قیلسونلر ...

بویله منافق لر، سفیهر وار. ایاصوفیه قهوه خانه لرنده جمعه نمازی وقتی طاولة اوینارلر. حالبوکه جمعه کونی مؤمنلرک الک بیوک بایرامی در. جمعه نمازی ده الک بیوک نمازدر. هرکیم بلا معذرت اوچ جمعه یی قیلمازسه منافق لر دفترینه یازیلیر، و بردها سیلنمز، اویله قالیر (معاذ الله)

بویله بر طاقم دینلر، فاسقلر، الجاقلر وار. اسلامیتدن هیچ ذوق آلامش. اصلا شرف عد ایتورلر. جامع ایله، علم مجلسیله انسیتی یوق. ذوق آله مایور. شیطان شیریلله، حرام اویونلرله هر درلو لوئیات ایله قلبی طولمش. بالخاصه بعض اویونلرک حقده وعید شدید بیان اولونمش. جمع مذاهبجه حرمتی قطعی در. یابان انسانک شهادتی مردود. شاهده لکه کلیرسه قو غیورلر. نیچون ؟ چونکه طاولة اوینارکن کوردیلر.

(من لعب بالنرد شیر فقد غمس یده فی لثم الخنزیر) حدیث صحیح در. هر درلو اویون حرام ایسه ده طاولة حقنده ایریجه صراحت وار. طاولة عجم اکسره سندن برینک نامیله احداث اولونمش. سطرنج خفیف اولوب بعض اقواله کوره مباحدر. فقط شرائطی چوقدر. بعض علما طاولة یی

کبائر دن عد ایتمشلدر. بر تعریفه کوره کبائر داخل در. کبائر و صغائرک تفریق کله جک درسه قالیور. آکلاملی که کبائر ترک ایدرسه صغائر دن قولای قورقوله جقسک. باقلم نصل آکلاده جغز. آیره بیلجه جکی یز، آیره مایه جقمی یز ؟ چونکه بعض شیر وار که کبائر می، صغائر می ؟ قطعاً تمیز ایتیور. فقط طاولة هر حالده کبائر دن معدوددر. حدیث صحیحله ثابت. حضرت پیغمبر افندمر طاولة یی نهیه تشبیه ایدیور ؟ دیور که : هرکیم طاولة اوینارسه الی خنزیرک اتنه، قانه سورمش اولور. خنزیر اتی الله کیم آلیر، انسان اومردار شیته باققدن تنفر ایدر. لثم خنزیرک مردار اولدینی قرآن جلیله مذکوردر. (فانه رجس) بیورلمشدر. بویله مردار بر شیته تشبیه ایدرسه کبائر دن اولسند شهمی قالیر ؟

اما دامه، شطرنج مختلف فیه در. بزم مذاهبجه بونلرده حرامدر. لکن امام شافعی حضرتلری، شطرنج حقنده : مباحدر، دیمش. دامه یی ده اوکا الحاق ایده بیلیرسک. چونکه انسانک ذهنی آچار. عسکر ترتیباتنه بکزر. شطرنج اویوننده عسکرلر وار، شاه وار. قارشو طور اولور. حاصلی بر اعمال فکر وار. نمازی قاچیرماق شرطیله، لساندن فحش صادر اولماق شرطیله آره صره اویونایرسه. امام شافعی : مباحدر، دیور. اونک ایچون شهادتی رد ایتیورلر. اما طاولة نک حرمتی بتون مذاهبجه قبول ایدیشدر.

شینمدی بویله مردار شیرله اوغراشوبده نمازی ترک ایتک مؤمن شایمیدر ؟ حالبوکه اوقدر قضا نمازلری وار که کیجه کوندوز قیلسه اوده یه میه جک ... بویله ایکن اویله قهوه لره، برطاقم مناسبتسز یرلره کیتک. مردار اویونلرله معزز وقتی کچیرمک ... طوغروسی، بوندن بیوک شقاوت اولماز. (شر الناس من طال عمره وساء عمله) عمری اوزون، عملی فسا ... اوندن فنا انسان اولورمی ؟ نه قدر یشارسه اوقدر کنهای آرته جق. الک ایسی ندر ؟ عمری اوزون اولوبده عملی ده ایی اولمق. اوده یاشدن اولور، کنجلك زماننده عمرینی ایی کچیرمکله اولور. بونی دیمک ایستورم، فقط براز دها ایضاحه محتاجدر. بورایه متعلق بعض احادیث شریفه وار. سؤاللر وارد اوله جق. اونلری رد ایدم جکز. ان شاء الله کله جک درس لرده بونلری ایضاح ایدرز. بوکون بو قدرله اکتفا ایدم ...

۷۰ نجی درسک صرکی

[کچن هفته تقریر بیوریلان (۵۹) نجی درسک احوال حاضرّه اجتماعیه نقطه نظرندن فوق العاده اهمیتی حسیلله بو هفته درج اولنمی درسی استماع ایدن بعض قارئین کرام طرفندن اخطار بیورلمش ایسه ده، مشغولیت کثیره دن تماماً تبیضی ممکن اوله مدی. کله جک هفته یه یتشدیرلسنه غیرت اولنه جقدر. حضرت استاد محترم ان شاء الله یارین ده کرسی خطابتی تشریف ایله ینه او وادیده مهم بختلر تقریر بیوره جقلدر.]